

Visoki predstavnik i supervizorica za Brčko pozdravljaju osnivanje Ureda Distrikta pri Vijeću ministara BiH

Visoki predstavnik dr. Christian Schwarz-Schilling i supervizorica za Brčko Susan Johnson pozdravili su danas osnivanje Ureda Distrikta Brčko BiH pri Vijeću ministara BiH.

Visoki predstavnik i supervizorica za Brčko čestitali su Distriktu Brčko i državi BiH na ovome važnom koraku za osiguravanje koordinacije i suradnje između državnih institucija i Distrikta Brčko. Konačnom arbitražnom odlukom za Brčko, koja je sastavni dio Daytonskoga mirovnog sporazuma, uspostavljen je Distrikt kao jedinstvena jedinica lokalne samouprave pod izravnim suverenitetom države.

Visoki predstavnik je potakao obje strane da ulože maksimalne napore u ovaj važan proces. “Država će u ne tako dalekoj budućnosti preuzeti punu odgovornost za osiguranje pravnog statusa Distrikta i njegovih multietničkih javnih institucija i za to da osigura da on bude tretiran kao sastavni dio BiH”, rekao je Visoki predstavnik.

Supervizorica za Brčko je naglasila: “Distrikt Brčko se od većine drugih jedinica lokalne samouprave u okviru BiH razlikuje po dvije karakteristike – multietničkom sastavu njegovih javnih institucija, te njegovoj fiskalnoj samoodrživosti i relativnoj ekonomskoj revitalizaciji. Postoje znatni dokazi da su i jedno i drugo rezultat njegovog posebnog modela lokalne samouprave. Ovo je Distriktu omogućilo da značajno doprinese jačoj državi i od ključne je važnosti za

održivost Distrikta u sljedećim godinama.”

I Visoki predstavnik i supervizorica su izrazili očekivanje da će se sada, kada je ovaj ured počeo s radom , država i vlasti Distrikta Brčko zajednički posvetiti raznim neriješenim pitanjima na primjeren, konstruktivan i blagovremen način.